

Broj: 02-37- 5167/16
Sarajevo, 02.11.2016. god.

BOSNA I HERCEGOVINA

**PARLAMENTARNA SKUPŠTINA BOSNE I HERCEGOVINE
ZASTUPNIČKI DOM/PREDSTAVNIČKI DOM**

n/p predsjedavajućeg Predstavničkog doma, gđina Mladena Bosića

BOSNA I HERCEGOVINA			
PARLAMENTARNA SKUPŠTINA BOSNE I HERCEGOVINE			
SARAJEVO			
PRIMLJENO:			
Organizaciona jedinica	08-11-2016	broj	01-50-1-15-37/16
datum		broj	

Predmet: Urgencija za dostavljanje odgovora na poslaničko pitanje,
odgovor dostavlja se
Veza Vaš akt broj: 01-50-1-15-37/16 od 28.10.2016.godine

Poštovani,

Vezano za Vaš akt, broj i datum gornji, kojim se obraćate ovom ministarstvu sa urgencijom za dostavljanje odgovora na poslaničko pitanje uvažene poslanice gđe Maje Gasal-Vražalice, informiramo Vas o sljedećem:

Federalno ministarstvo zdravstva je dana 09.09.2016.godine, zaprimilo akt Ministarstva civilnih poslova Bosne i Hercegovine broj: 08-07-5-2048-EO/16 od 06.09.2016.godine, sa poslaničkim pitanjem uvažene poslanice gđe Maje Gasal-Vražalice. S tim u svezi, ovo ministarstvo je pripremilo traženi odgovor na poslaničko pitanje, te isti dostavilo, aktom broj 02-37-5285/16 od 07.10.2016.godine, Ministarstvu civilnih poslova Bosne i Hercegovine, kao koordinirajućem ministarstvu.

Cijeneći navedeno, u prilogu ovog akta, dostavljamo kopiju predmetnog odgovora na poslaničko pitanje.

S poštovanjem,

MINISTAR
Doc. dr. Vjekoslav Mandić

Prilog:
– Kao u tekstu

Dostaviti:
1. Naslovu
2. Arhiva

Broj:02-37-5285/16
Sarajevo,7.10.2016.

BOSNA I HERCEGOVINA
MINISTARSTVO CIVILNIH POSLOVA
Trg Bosne i Hercegovine br.1
Sarajevo
n/p Ministra

19.10.16
0977
2

PREDMET: Poslaničko pitanje, odgovor-daje se,

Poštovani,

Vezano za Vaš akt broj: 08-07-5-2048-EO/16 od 06.09.2016.godine, kojim tražite odgovor na zastupničko pitanje koje je zastupnica u Zastupničkom domu Parlamentarne skupštine Bosne i Hercegovine, Maja Gasal Vražalica uputila Ministarstvu civilnih poslova, dana 29.08.2016.godine, dostavljamo Vam sljedeći odgovor, a iz okvira nadležnosti ovog ministarstva:

Odlukom o osnovnom paketu zdravstvenih prava („Službene novine Federacije BiH“, broj 21/09) utvrđenje se minimalni opseg prava obveznog zdravstvenog, kao i drugih prava iz obveznog zdravstvenog osiguranja na teritoriju Federacije Bosne i Hercegovine (u daljnjem tekstu: Federacija BiH), uključujući pri tome i posebne prioritetne federalne programe zdravstvene zaštite koji se provode na teritoriju Federacije BiH, kao i prioritetne najsloženije oblike zdravstvene zaštite iz određenih specijalističkih djelatnosti koje će se pružati osiguranim osobama na teritoriju Federacije BiH.

Sukladno navedenom Osnovnom paketu, osigurane su, među ostalim, usluge specijalističko konzultativne i bolničke zdravstvene zaštite kroz obavljanje najsloženijih oblika zdravstvene zaštite određenih specijalističkih djelatnosti iz oblasti ginekologije i akušerstva, endokrinologije i drugih oblasti, koje obuhvataju uslugu biomedicinski potpomognute oplodnje, a koje se utvrđene i u nomenklaturi usluga u okviru Naredbe o standardima i normativima zdravstvene zaštite iz obaveznog zdravstvenog osiguranja u Federaciji Bosne i Hercegovine („Službene novine Federacije BiH“, br. 82/14 i 107/14).

Pravo na navedene usluge, odnosno pravo na biomedicinski potpomognutu oplodnju, kao i opseg ovog prava treba gledati u svjetlu Poglavlja X. Odluke o osnovnom paketu zdravstvenih prava kojim se propisuju zdravstvene usluge koje nisu pokrivene osnovnim paketom zdravstvenih prava, što znači da je za financiranje navedenih usluga iz sredstava obveznog zdravstvenog osiguranja uvjet da žena nije starija od 37 godina, te da se mogu financirati iz navedenih izvora dva pokušaja biomedicinski potpomognute oplodnje.

Osnovnim paketom zdravstvenih prava osiguravaju se i zdravstvene usluge utvrđene prioritetnim federalnim programima zdravstvene zaštite i prioritetnim najsloženijim oblicima zdravstvene zaštite iz određenih specijalističkih djelatnosti utvrđene Odlukom o utvrđivanju prioritetnih vertikalnih programa zdravstvene zaštite od interesa za Federaciju BiH i prioritetnih najsloženijih oblika zdravstvene zaštite iz određenih specijalističkih djelatnosti koji će se pružati osiguranim osobama na teritoriju Federacije Bosne i Hercegovine („Službene novine Federacije BiH“, br. 8/05, 11/07, 44/07, 97a/07 i 33/08), a koje se financiraju iz sredstava Fonda solidarnosti. U navedene usluge, odnosno programe spada i humana reprodukcija osoba sa invaliditetom.

Usluge iz Programa humane reprodukcije osoba sa invaliditetom se pružaju u Centru za humanu genetiku, menopauzu i ginekološku endokrinologiju i ugovorene su za 2015. godinu sa Kantonalnom bolnicom Zenica u čijem sastavu je navedeni centar. Usluge u ovoj ustanovi se pružaju u skladu sa izdatim odobrenjem Federalnog ministarstva zdravstva. -

Naime, Federalno ministarstvo zdravstva u svrhu izdavanja rješenja, a za usluge koje se financiraju iz sredstava Fonda solidarnosti, odnosno za obavljanje MPO osobama sa invaliditetom, dobilo je zahtjev, te nakon provedenog postupka ocjene ispunjenosti uvjeta, izdalo rješenje Kantonalnoj bolnici Zenica.

Na temelju Odluke Upravnog vijeća Zavoda zdravstvenog osiguranja i reosiguranja Federacije BiH data je mogućnost da se osobama sa invaliditetom za usluge pružene u drugim zdravstvenim ustanovama, može izvršiti refundacija troškova u iznosu koji se priznaje i plaća Kantonalnoj bolnici Zenica za usluge iz ovog programa.

Ukupni rashodi iz sredstava fonda solidarnosti za izvršenje ovog programa u 2015. godini iznosili su 56.870 KM, od čega za usluge pružene u Centru za humanu genetiku, menopauzu i ginekološku endokrinologiju Kantonalne bolnice Zenica u iznosu od 9.670 KM, a na ime refundacije troškova za usluge pružene u drugim zdravstvenim ustanovama 47.200 KM.

Nadalje, bliži kriteriji za izbor lijekova, postupak i način izrade liste lijekova u Federaciji BiH, način stavljanja i skidanja lijekova sa liste lijekova, obvezama ministarstava zdravstva, zavoda zdravstvenog osiguranja, te proizvođača i prometenika lijekova uvrštenih na liste lijekova, kao i korištenje lijekova utvrđeni su Pravilnikom o bližim kriterijima za izbor lijekova, postupku i načinu izrade liste lijekova u Federaciji BiH, načinu stavljanja i skidanja lijekova sa liste lijekova, obvezama ministarstava zdravstva, zavoda zdravstvenog osiguranja, te proizvođača i prometenika lijekova uvrštenih na liste lijekova, kao i korištenje lijekova („Službene novine Federacije BiH“, broj 45/13). Navedenim pravilnikom propisano je da kantoni koji raspolažu viškom finansijskih sredstava, a nakon donošenja kantonalnih listi lijekova u koje su uvršteni svi lijekovi sa federalne liste lijekova, mogu pristupiti nabavi lijekova kroz posebne prioritete programe, a posebno, među ostalim, lijekova koji se koriste u procesu vještačke oplodnje.

Odlukom o izmjeni i dopuni odluke o listi lijekova obaveznog zdravstvenog osiguranja Federacije Bosne i Hercegovine („Službene novine Federacije BiH“ broj 94/15) utvrđen je tzv. Preporučeni sadržaj prioriteta programa za lijekove koji se koriste u terapiji bola, vještačkoj oplodnji, kao i hormonu rasta.

Ovim putem želimo istaći da je prikupljanje i raspodjela sredstava iz obaveznog zdravstvenog osiguranja, odnosno kupovina zdravstvenih usluga, u nadležnosti kantonalnih zavoda zdravstvenog osiguranja.

Nadalje, Zakonom o zdravstvenom osiguranju („Službene novine Federacije BiH“, br. 30/97, 7/02, 70/08 i 48/11) je propisano da mjerila i kriterije za ugovaranje zdravstvene zaštite utvrđuje nadležni kantonalni organ vlasti na prijedlog kantonalnog zavoda zdravstvenog osiguranja, ali Odlukom o osnovnom paketu je propisana obveza donošenja Jedinствене metodologije kojom se bliže utvrđuju kriteriji i mjerila za ugovaranje između nadležnog zavoda zdravstvenog osiguranja i zdravstvenih ustanova („Službene novine Federacije BiH“, br. 34/13 i 90/13). Međutim, ugovaranje pružanja usluga zdravstvene zaštite po Jedinственоj metodologiji još uvijek se ne primjenjuje u većini kantona.

Napominjemo da Zavod za javno zdravstvo Federacije Bosne i Hercegovine, kao zdravstvena ustanova koja sukladno zakonu prikuplja i obrađuje statističke podatke u oblasti zdravstva, ne raspolaže podacima koje navodite u svom pitanju.

Na postavljena pitanja, odgovori će se moći dati nakon donošenja Zakona koji će tretirati ovu oblast. Naime, Federalno ministarstvo zdravstva, sukladno svojim nadležnostima, u 2016. godini, ima u planu izradu Prednacrt zakona o liječenju neplodnosti biomedicinski pomognutom oplodnjom, kroz redovitu proceduru usvajanja, uz konzultacije i koncenusus sa kantonima sukladno Ustavu Federacije BiH.

Izrada Prednacrt zakona je u tijeku i očekuje se da će uskoro biti upućen kantonima na mišljenje, te dostupan zainteresiranoj javnosti radi pribavljanja komentara.

S poštovanjem,

MINISTAR

Doc.dr.Vjekoslav Mandić